



# زيتك

دكتور

جورج حبيب بياوي

٢٠١٦

## زَيْك

لازم أعيش زيك

اتكلم زيك

أحب زيك

أموت زيك

علشان أقوم زيك

علشان أبقى زيك

لازم أغطس في نهر حبك

علشان أبقى زيك

يقي قلبي واحد

ملوش حاجة إلا أنت

\*\*\*

علشان أحب زيك

لازم نار حبك

تصهر جسدي وروحي

في أتون حبك

تختمني بالصليب

وتخلع آدم الحديد

وتسكب قوة تجديد

وإلا مش هبقى زيك

لازم أسمع شتائم

وجلد باللسان

مقالات زور تهاجم

وأشواك أكاذيب

تملاً الطريق

تراحم

علشان ننسى الايمان

ونتوه زي البهايم

زعماء عصابات

سرقوا الألقاب

بخفة يد

وحيل العمائم

يسوع وقف متهم

أمام رئيس كهنة الكذب

قيافا في كل تاريخ

لازم يحاكم

البريء اتصلب

الحق لازم يكون بريء

\*\*\*

الصلب وزع الحق

على مخاليق يسوع

تلاميذ لازم يعيشوا زيه

ولازم قدام كل قيافا

يشهدوا

يطلع كل يوم صليب ينور

سكة الخافين

واللي بيحب لازم يدور

على حبيبه ورفيقه

اللي شال صليبه

علشان كل رفيق

يبقى زيّه

د. جورج حبيب بياوي